

10. juli 2008

Nalunaarut nr. 781

Aningaasaateqarfiit inuussutissarsiutitut ingerlatat atorunnaarsitaasarnerat pillugu Kalaallit Nunaannut nalunaarut (atorunnaarsitsineq, akiliisinnaajunnaarney, pinngitsaaliissummik atorunnaarsitsineq aamma kattuney) (Atorunnaarsitsisarnermik nalunaarut)

Aningaasaateqarfiit inuussutissarsiutitut ingerlatat pillugit inatsimmi, Kalaallit Nunaannut kunnigip peqqussutaatigut nr. 621-kut 23. juni 2008-meersukkut atortuutilersinneqartumi, § 50 naapertorlugu aalajangersarneqarpoq:

Kapitali 1

Atorunnaarsitsineq

§ 1. Atorunnaarsitsinissamik aalajangiineq pissaq inatsimmi § 48 imm. 1, Kalaallit Nunaannut kunnigip peqqussutaatigut atortuulersinneqarsimasoq, isiginiarneqarluni. Aalajangiineq Erhvervs- og Selskabsstyrelsimut nalunaarutigineqassaaq aalajangiinermiit aalajangiinerullu aningaasaateqarfimmi oqartussaasunit akuerineqarneraniit kingusinnerpaamik sap. ak.tallimat qaangiunneranni.

Imm. 2. Aningaasaateqarfiup atorunnaalersup taaguutini atuinnaassavaa tapiliullugu >>atorunnaalersoq<<.

Imm. 3. Aningaasaateqarfik malittarisassat malillugit piffissami erseqqinnerusumik taaneqartumi pilersinneqarsimappat siulersuisut kisimik imm. 1 naapertorlugu aalajangiisinaapput.

§ 2. Aningaasaateqarfimmut oqartussaasut atorunnaarsitsinermi atorunnaarsitsisussamik ataatsimik arlalinnilluunniit toqqaassapput, siulersuisut qullersaqarfillu sinnerlugit sulisussanik. Aalajangiinermut peqatigitillugu atorunnaarsitsisusaaq § 1 naapertorlugu nalunaarutigineqassaaq. Siulersuisut pillugit inatsimmi aalajangersakkat, Kalaallit Nunaannut kunnigip peqqussutaatigut atortuulersinneqarnikuusut, atorunnaarsitsisunut atuutissapput pisariaqarneratut sakkukilliliisoqarluni.

Imm. 2. Aningaasaateqarfiup atorunnaarsitsisumut akissarsiarititassai aningaasaateqarfimmut oqartussaasunit annertussusilerneqassapput.

Imm. 3. Akissarsiarititassat annertussusilerneqassapput sulinerup annertussusaa pigisallu qanoq ittuunerat, sulinermut atatillugu akisussaaffeqarney pissutsillu tunngavigalugit angusarisat isiginiarlugit.

§ 3. Atorunnaarsitsisut atorunnaarsitsinermut pissutaasut pingaarnerit pillugit nassuiaasiussapput, matumani ilanngullugu taallugu pillaasoqarnissaa anguniarlugu misissuisoqalernissaa pissutissaqarnersoq. Atorunnaarsitsisut nalunaarussiaat aningaasaateqarfimmut oqartussaasunut aamma Erhvervs- og Selskabsstyrelsimut piaarnerpaamik nassiunneqassaaq.

§ 4. Siulersuisut atorunnaarsitsinissamik aalajangiinerannik Erhvervs- og Selskabsstyrelsip nalunaarsuinerani, tak. § 1, imm. 1, aningaasaateqarfiup akiligassaqarfii kajumissaarneqassapput piunnaasaqaatitik atorunnaarsitsisumut nalunaarutigissagaat.

Imm. 2. Atorunnaarsitsisup pigisat suliarineqarnerat siusinnerpaamik inaarneqartussanngortissinnaavaa imm. 1. naapertorlugu tamanut nalunaaruteqarnermiit qaammatit pingasut qaangiunneranni.

Imm. 3. Piunnaasaqaat akuerineqarsinnaanngippat pisassaartoq tamatuminnga allakkatigut tammatsoalisatigut nalunaarfigineqassaaq paasitinneqarluni aalajangiineq akerlilerneqassappat apeqqut

Kalaallit Nunaata Eqqartuussisuuneqarfianut saqqummiunneqartariaqartoq allakkat nassiunneqarneranniit qaammatit pingasut qaangiutsinnagit.

§ 5. Aningaasaateqarfiup aningaasaataanik agguaneq aatsaat pisinnaavoq aningaasaateqarfimmut oqartussaasut akuersereernerisigut.

Imm.2. Atorunnaarsitsisup atorunnaarsitsinermi inaarutaasumik naatsorsuusiaasa aningaasaateqarfimmut oqartussaasunit akuerineqarnerisa kingorna taakku aningaasaateqarfimmut oqartussaasut akuersissuteqarlutik oqaaseqaataanik ilaqartillugit Erhvervs- og Selskabstyreldsimut nassiunneqasapput, aningaasaateqarfillu aningaasaateqarfinnut inuussutissarsiutitut ingerlatanut nalunaarsuiffimmiit peerneqassaaq.

§ 6. Aningaasaateqarfiup aningaasaateqarfittut inuussutissarsiutitut ingerlatatut nalunaarsuiffimmiit peerneqarnerata kingorna aningaasanik allanik saqqummersoqaqqissagaluarpat imaluunniit allatigut taamaaliornissamut pissutissaqassagaluarpat pigisanik suliaqarneq aningaasaateqarfimmut oqartussaasut aalajangiinerat naapertorlugu nanginneqarsinnaavoq. Pigisanik suliaqarnermik nangitsineq inaarinerlu nalunaarutigineqassapput sap. ak.tallimat qaangiutsinnagit.

§ 7. Atorunnaarsitsinerup nalaani paasinarsippat pissutsit, aningaasaateqarfiup atorunnaarsinneqarnissaanik aalajangerneramik kinguneqartitsisut, atuukkunnaarsimasut atorunnaarsitsisoq (atorunnaarsitsisut) inatsimmi § 48, Kalaallit Nunaannut kunngip peqqussutaatigut atortuulersinneqarnikuusoq, isiginiarlugu aalajangiisapput atorunnaarsitsiniarneq unitsinneqassasoq aningaasaateqarfillu ingerlatsinini aallarteqqissagaa.

Imm. 2. Tamanna akuersissutigineqarpat aningaasaateqarfiup malittarisassai inatsisillu naapertorlugit siulersuisunik kukkunersiuusumillu toqqaasoqassaaq.

Imm. 3. Tunngaviusumik aningaasaatit 300.000 koruuninit ikinneruppata taakku minnerpaamik angullugit qaffanneqassapput aamma inatsimmi piumasaqaataasut naammassineqassapput.

Kapitali 2

Akiliisinnaajunnaarneq

§ 8. Akiliisinnaajunnaartutut nalunaarutigineqarnissamik kissaateqarneq aningaasaateqarfik sinerlugu siulersuisunit, atorunnaarsitsisumit imaluunniit aningaasaateqarfimmut oqartussaasunit nalunaarutigineqarsinnaavoq. Kalaallit Nunaata Eqqartuussisuuneqarfiata akiliisinnaajunnaarneq Erhvervs- og Selskabsstyrelsimut nalunaarutigissavaa.

Imm. 2. Atorunnaarsitsisoq isumaqarpat atorunnaarsitsineq akiligassaqarfigisanut naammattumik matussusiisinnaanngitsoq aningaasaateqarfimmut oqartussaasunut nalunaaruteqartoqassaaq. Akiliisinnaajunnaartutut nalunaarutigineqarnissamik kissaateqarneq atorunnaarsitsisumit imaluunniit aningaasaateqarfimmut oqartussaasunit nalunaarutigineqassaaq.

§ 9. Aningaasaateqarfiup akiliisinnaajunnaartutut nalunaarutigineqartup taaguutini atuinnassavaa tapiliullugu >>akiliisinnaajunnaartoq<<.

Imm. 2. Kalaallit Nunaata Eqqartuussisuuneqarfiata Erhvervs- og Selskabsstyrelsi pigisanik suliaqarnerup naammassineqarnera pillugu nalunaarfigissavaa. Akiliisinnaajunnaarnerup naammassineqarnerata nalunaarutigineqarneranut atatillugu aningaasaateqarfik aningaasaateqarfittut inuussutissarsiutitut ingerlatatut nalunaarsuiffimmiit peerneqassaaq, Kalaallit Nunaata Eqqartuussisuuneqarfianiit nalunaarummi allamik allassimasoqanngippat.

Kapitali 3

§ 10. Aningaasaateqarfiup tunngaviusumik aningaasaatimi affaanik annaasaqarnerata kingorna kingusinnerpaamik qaammatit pingasut qaangiunneranni siulersuisut ataatsimiinneqarnissaat siulersuisut isumagissavaat. Siulersuisut ataatsimiinneranni aningaasaateqarfiup aningaasaqarnikkut inis-sisimanagera siulersuisut nassuiaateqarfigissavaat siunnersuuteqarlutillu tunngaviusumik aningaasaateqalernissamut tamakkiisumik matussusiissutaasussamik imaluunniit siunnersuuteqassapput aningaasaateqarfik atorunnaarsinneqassasoq. Ikililerisoqarnerata kingornatigut tunngaviusumik aningaasaatit inatsisip § 9, imm. 1-iani, Kalaallit Nunaannut kunngip peqqussutaatigut atortuulersinneqar-nikuusumi, aalajangersarneqartunit ikinneruppata siulersuisut siunnersuutigissavaat aningaasaateqarfik atorunnaarsinneqassasoq.

Imm. 2. Siulersuisut ataatsimiinnissamut aggersarneqanngippata imaluunniit siulersuisut aalajangerpata aningaasaateqarfiup aningaasaataanut tunngasut imm. 1 malillugu iluarsineqassanngitsut, tamannalu Erhvervs- og Selskabsstyrelsin piffissaliussaata iluani pinngippat, aningaasaateqarfimmut oqartussaasut aningaasaateqarfiup atorunnaarsinneqarnissaa sulissutigissavaat, pisariaqarpat § 12-imi maleruagassat malillugit.

§ 11. Erhvervs- og Selskabsstyrelsin inatsimmi § 59, Kalaallit Nunaannut kunngip peqqussutaatigut atortuulersinneqarnikuusooq, malillugu misissueqqissaarisitsinerata nassatarisaanik misissueqqissaarisut Erhvervs- og Selskabsstyrelsimut allaganngorlugu nalunaarusiaminni kajumissaarippata aningaasaateqarfik atorunnaarsinneqassasoq, siulersuisut qaammat ataaseq qaangiutsinnagu siulersuisunik ataatsimiigiaqqusissapput siunnersuuteqassappullu aningaasaateqarfiup atorunnaarsinneqarnissaanik kinguneqartitsisussamik.

Imm. 2. Siulersuisut ataatsimiigiaqqusinnngippata imaluunniit siulersuisut aalajangerpata aningaasaateqarfik imm. 1 malillugu atorunnaarsinneqassasoq aningaasaateqarfimmut oqartussaasut aningaasaateqarfiup atorunnaarsinneqarnissaa sulissutigissavaat, pisariaqarpat § 12-imi maleruagassat malillugit.

§ 12. Pisunik § 10, imm. 2-mi, § 11, imm. 2-mi pineqartunik pisoqartillugu atorunnaarsitsinissaq akuerineqanngippat imaluunniit aningaasaateqarfik ukiumoortumik naatsorsuutit pillugit inatsit, Kalaallit Nunaannut kunngip peqqussutaatigut atortuulersinneqarnikuusooq, naapertorlugu ukiumoortumik naatsorsuutinik iluamik pitsaassusilinnik Erhvervs- og Selskabsstyrelsimut piffissaq eqqorlugu nassiussinnngippat imaluunniit inatsimmi malittarisassaniluunniit peqqussutigineqartutut siulersuisoqanngippat kukkunersiuisoqanngippalluunniit aammalu aningaasaateqarfimmut oqartussaasut inatsimmi § 16, imm. 2 aamma § 29, imm. 2, Kalaallit Nunaannut kunngip peqqussutaatigut atortuulersinneqarnikuusut, naapertorlugit siulersuisunik kukkunersiuisunilluunniit nutaanik toqqaasinnaannngippata aningaasaateqarfimmut oqartussaasut noqqaassuteqarnerisigut aningaasaateqarfik Kalaallit Nunaata Eqqartuussisuuneqarfianit atorunnaarsinneqassaaq aningaasaateqarfiup sumiiffigisaani. Atorunnaarsitsinissamik noqqaassuteqartoqassaaq inatsisip § 48-ani, Kalaallit Nunaannut kunngip peqqussutaatigut atortuulersinneqarnikuusumi, maleruagassat isiginjarlugit.

Imm. 2. Aningaasaateqarfimmut oqartussaasut aningaasaateqarfiup atorunnaarsinneqarnissaanik piumasaqarniarlutik aalajangiinerat Atuagagdliutini aamma Selskabsstyrelsin qarasaasiakkut paasisutissiisarfiani tamanut saqqummiunneqassaaq.

Imm. 3. Kalaallit Nunaata Eqqartuussisuuneqarfia atorunnaarsitsisartumik ataatsimik arlalinniluunniit toqqaasinnaavoq. Atorunnaarsitsinermi atuutissapputtaaq atorunnaarsitsineq pillugu aalajangersakkat kapitali 1-imiittut pisariaqartumik sakkukillilerlugit. Atorunnaarsitsinermi aningaasartuutit pisariaqarpat naalagaaffiup karsianit akilerneqassapput.

Aningaasaateqarfinnik kattussineq

§ 13. Aningaasaateqarfik atorunnaarsitsinertaqanngitsumik piujunnaarsinneqarsinnaavoq aningaasaateqarfiup pigisaanik akiitsuinillu tamanik aningaasaateqarfimmut pioreersumut tunniussinikkut imaluunniit aningaasaateqarfiit arlallit aningaasaateqarfimmut nutaamut ataatsimut kattunnerisigut (kattunneq).

Imm. 2. Kattunnissamik aalajangerneq pissaaq inatsimmi § 48, Kalaallit Nunaannut kunngip peqqussutaatigut atortuulersinneqarnikuusoq, isiginiarlugu.

§ 14. Aningaasaateqarfinni kattuttuni siulersuisut peqatigiillutik kattunnermut pilersaarusiortullutillu atsiogatigiissapput, makku pillugit paasissutissanik aalajangersakkanillu imaqtartussamik:

- 1) aningaasaateqarfiup taaguutai aamma saniatigut taaguutigisinnaasai, matumani ilanngunneqarluni aningaasaateqarfiup atorunnaarnikup taaguutaa imaluunniit saniatigut taaguutaa aningaasaateqarfimmut ingerlaqqittumut saniatigut taaguutit ilanngunneqassanersoq,
- 2) aningaasaateqarfiup sumiiffia,
- 3) piffissaq, aningaasaateqarfiup atorunnaartup pisinnaatitaaffii pisussaaffiilu naatsorsuutit tungaasigut tunniunneqarsimasutut naatsorsuutigineqarfissaat, tak. imm. 2,
- 4) iluaqtissaq sunaluunniit immikkut ittoq, aningaasaateqarfiup siulersuisuinut aqutsisuinullu tunniunneqartoq, aamma
- 5) malittarisassanut missingersuut, kattunnermi nutaamik aningaasaateqarfiliortoqarpat.

Imm. 2. Kattunnissamut pilersaarut kingusinnerpaamik ukiup naatsorsuusiortusussap, kattunnermi naatsorsuutit atuutilerfiata, tak. imm. 1, nr.3, naanerani atsiorneqarsimassaaq. Piffissaliussaq qaangerneqarpat kattunnermi pilersaarut tamanut saqqummiunneqarsinnaanngilaq.

§ 15. Aningaasaateqarfinni tamani siulersuisut immikkut allakkatigut nalunaarusiussapput, tassani kattunnermi pilersaarut nassuiarneqarlunilu tunngavilersorneqassaaq.

Imm. 2. Nassuiaammut ilanngunneqarsinnaapput kattunnermi naatsorsuutit, taamaattoqassappallu ukiumoortumik naatsorsuutit pillugit inatsimmi § 129, Kalaallit Nunaannut kunngip peqqussutaatigut atortuulersinneqarnikuusoq, malillugu naatsorsuusiortoqassaaq. Kattunnermut pilersaarut atsiorneqarsimappat ukiup naatsorsuusiortufissaasup, aningaasaateqarfiup ukiumoortumik naatsorsuusiaanut kingullernut tunngassuteqartup, naaneraniit qaammatit arfinillit sinnerlugit qaangiutereersut mellembalanceliortoqassaaq aningaasaateqarfimmut kattunnikumut tunngasumik. Mellembalance ukiumoortumik naatsorsuutit pillugit inatsit, Kalaallit Nunaannut kunngip peqqussutaatigut atortuulersinneqarnikuusoq, malillugu suliarineqartussaasoq naatsorsuinnermut ulluligaassanngilaq kattunnermut pilersaarusiap atsiorneqarneraniit qaammatit pingasut sinnerlugit sioqqustisumik. Mellembalance kukkunersiorneqarsimassaaq.

Imm. 3. Kattunerup ilaatut aningaasaateqarfik nutaaq pilersinneqarpat naliliisartumiit nalunaarut nalunaarusiamut ilanngunneqassaaq. Naliliisartuq aktieselskabit pillugit inatsimmi § 6 b, imm. 1, Kalaallit Nunaannut kunngip peqqussutaatigut atortuulersinneqarnikuusoq, malillugu toqqarneqassaaq. Aktieselskabit pillugit inatsimmi § 6 b, imm. 2 aamma 3, Kalaallit Nunaannut kunngip peqqussutaatigut atortuulersinneqarnikuusut, malillugit naliliisartut selskabinut kattuttunut tamanut attaveqarnerannut assinganik atuutissapput.

Naliliinnermi nalunaarutip imarissavai:

- 1) aningaasaliissutinik tamanik allaaserinninneq
- 2) naliliinnermi periuseq atorneqartoq pillugu paasissutissat
- 3) akissarsiassat aalajangiussat taaneqarnerat aamma
- 4) missingersuutit naliutitap akissarsiassat isumaqatigiissutaasut minnerpaamik annertoqatigigai pillugit nalunaarut.

Imm. 4. Naliliinermi nalunaarut suliarineqarsimassanngilaq kattunnissamut pilersaarutip suliarineqarnera sioqqullugu qaammatit pingasut qaangerlugit sioqqutsisumik, tak. § 14. Piffissaliussaq qaangerneqarpat kattunnissaq naammassineqarsinnaanngilaq.

§ 16. Aningaasaateqarfinni kattuttuni tamani naliliisarteq nakerisarsiortuunngitsoq, immikkut ilisimasalik ataaseq arlallilluunniit allakkatigut nalunaarusiussapput, aningaasaateqarfiit ataasiakkaat akiligassaqaqfigisaat kattunnerup kingorna naammattumik isumannaarneqarsimanersut pillugu. Naliliisussat toqqarneqassapput aktieselskabit pillugit inatsimmi § 6 b, imm. 1, Kalaallit Nunaannut kunnqip peqqussutaatigut atortuulersinneqarnikuusoq, malillugu. Aningaasaateqarfiit kattuttut naliliisartumik ataatsimik arlalinnilluunniit atuerusuppata taakkua aningaasaateqarfiup noqqaassuteqarneratigut Kalaallit Nunaata Eqqartuussisuuneqarfianit aningaasaateqarfiup sumiiffigisaani toqqarneqassapput. Aktieselskabit pillugit inatsimmi § 6 b, imm. 2 aamma 3, Kalaallit Nunaannut kunnqip peqqussutaatigut atortuulersinneqarnikuusut, naliliisartut aningaasaateqarfinnut kattuttunut tamanut attaveqarnerannut assingani atuutissapput.

§ 17. Kattunnissamut pilersarusiap nuutsinneqarnera Erhvervs- og Selskabsstyrelsiptigoreersimassavaa kattunnissamut pilersaarutip atsiorneqarneraniit kingusinnerpaamik sap.ak.arfineq marluk qaangiunneranni. Piffissaliussaq qaangerneqarpat kattunnissamut pilersaarutip tiguneqarnera tamanut saqqummiunneqarsinnaanngilaq. Aammattaaq naliliisartut § 16 naapertorlugu nalunaarutaat Erhvervs- og Selskabsstyrelsimut tamatumunnga atatillugu nassiunneqassaaq.

Imm. 2. Allakkiaat uppersaatit, imm. 1-imi taaneqartut, tiguneqarnerat nalunaarutigineqassaaq aningaasaateqarfiit inuussutissarsiutitut ingerlatat pillugit inatsisip Kalaallit Nunaannut atortuulersinneqarneranik peqqussummi § 56 malillugu. Naliliisartut § 16 malillugu nalunaarutaanni ilimagineqarpat selskabini ataasiakkaani akiligassaqaqfigisat kattunnerup kingorna naammattumik isumannaarneqanngitsut nalunaarut paasissutissiissummik tamatumunnga imaqqassaaq aamma akiligassaqaqfigisat § 18 malillugu piginnaatitaaffii maluginiaqquneqassapput.

Imm. 3. Kattunnissamut pilersaarutip il.il., tak. imm. 1, tamanut saqqummiunneqarnerata kingorna Erhvervs- og Selskabstyrelsipt allakkiaat uppersaatit tiguneqarsimasut aningaasaateqarfinnut oqartussaasunut nassiutissavai, tak. inatsimmi § 48, Kalaallit Nunaannut kunnqip peqqussutaatigut atortuulersinneqarnikuusoq.

§ 18. Naliliisartut § 16 malillugu nalunaarutaanni ilimagineqarpat aningaasaateqarfinni ataasiakkaani akiligassaqaqfigisat kattunnerup kingorna naammattumik isumannaarneqanngitsut akiligassaqaqfigisat, § 17 malillugu kattunnissamik pilersaarut pillugu nalunaaruteqarnissaq sioqqullugu pisassaqaarsut immikkut qularnaveeqquteqartinneqanngitsunik, Erhvervs- og Selskabsstyrelsipt kattunnissamut pilersaarummik tamanut saqqummiussineraniit kingusinnerpaamik sap. ak. arfinillit qaangiunneranni pisassaminnik nalunaarutiginnissinnaapput. Taamaattoqassappat kattunnissaq isummiunneqarsimasoq piffissaliussap sap. ak. arfinilinnik sivisussisillip qaangiunnerani aatsaat nalunaarsorneqarsinnaavoq.

Imm. 2. Pisassarisat akilerneqareersimasussat nalunaarutigineqarsimasut akileqquneqarsinnaapput aamma pisassarisanut akilerneqareersimasussaannngitsunut tunngatillugu isumannaatsumik qularnaveeqquseqqusisoqarsinnaavoq.

Imm. 3. Allamik qularnarunnaarsitsisoqarsimanngippat imm. 2 malillugu qularnaveeqqusiinissaq pisariaqanngilaq, pisassarisat akilerneqarnissaat selskabinut kattuttunut immikkut inatsisit naapertorlugit aaqqiissuteqarnikkut qularnaarneqarsimappat.

Imm. 4. Qularnaveeqqusiisoqassanersoq imaluunniit qularnaveeqqusiussassatut neqeroorutigineqartut naammannersut aningaasaateqarfiup akiligassaqaqfiillu nalunaarutigineqarsimasut akornanni isumaqatigiinngissutigineqarpat illuatungeriit marluullutik suliaasaq Kalaallit Nunaata Eqqartuussisuuneqarfianut aalajangigassanngortillugu selskabip sumiiffigisaani suliaasanngortissinnaavaat kingusinnerpaamik pisassarisat nalunaarutigineqarneranniit sap. ak. marluk qaangiunneranni.

Imm. 5. Akiligassa qarfigisaq isumaqatigiissutikkut pisassarisamut tunngaviusukkut imm. 2 malillugu qularnaveeqquseeqquisinnaatitaanerminik pituttuisumik sunniutilimmik taamaatitsisinnaangilaq.

§ 19. Aningaasaateqarfik atorunnaalersoq atorunnaartutut isigineqassaaq, aamma pisinnaatitaaffii pisussaaffiilu aningaasaateqarfimmut ingerlaqqittumut tamakkiisumik nuunneqartutut isigineqasapput:

- 1) aningaasaateqarfimmi oqartusaasuusut aamma Inatsiseqarnermut ministereqarfiup kattunnissaq akuersissutigippassuk, aamma
- 2) § 18 malillugu piumasaqaataasinnaasut aalajangiivigineqarsimappata.

§ 20. Kattunnissaq isummiunneqarsimasoq pillugu nalunaarut Erhvervs- og Selskabsstyrelsi kingusinnerpaamik tigoreersimassavaa ukiumoortumik naatsorsuutit kattunnerup naatsorsuutitigut atuutilerfigisaannut, naleq. § 14, imm. 1, nr. 3, tunngasut tunniunneqareerfissaasa qaangiunneranni, taamaattorli § 17 naapertorlugu kattunnissamik pilersaarutip tiguneqarneranik styrelsi nalunaaruteqarneraniit kingusinnerpaamik ukiup ataatsip qaangiunnerani. Piffissaliussaq qaangerneqarpat kattunnissamik aalajangernermik naammassinninnissaq atuukkunnaassaaq, § 14-ilu naapertorlugu kattunnissamik pilersaarussiaq atorunnaartutut isigineqassaaq. Nalunaarutiginninneq siusinnerpaamik pisinnaavoq kattunnerup inatsisitigut sunniutai, tak. § 19, atuutilerpata.

Imm. 2. Aningaasaateqarfik suli nalunaarsorneqariangitsoq aningaasaateqarfik kattunnerup ilaattut piulersoq isumaqatigiissusiorpat, isumaqatigiissusioqataasullu nalusimanggippagu aningaasaateqarfik nalunaarsorneqarsimangitsoq, isumaqatigiissusioqataasup, allatut isumaqatigiissusiorpat, isumaqatigiissut atorunnaarsissinnaavaa, nalunaarsuisitsinissamik nalunaarut styrelsimi tiguneqarsimangippat kingusinnerpaamik imm. 1-imi piffissaliussap naanerani, imaluunniit nalunaarsuinissaq itigartitsissutigineqarpat. Isumaqatigiissusioqataasup isumaqatigiissut atorunnaarsinnaavaa ilisimasimangikkuniuk aningaasaateqarfik nalunaarsorneqarsimangitsoq, aningaasaateqarfik suli nalunaarsorneqarsimangippat.

Kapitali 5

Ingerlatseqatigiiffimmik immikkoortorta qarfiusumik, aktie- imaluunniit anpartselskabiusumik, tigusinermi kattunneq

§ 21. Piginnittuulluni aningaasaateqarfik tamakkiisumik pigisaralugu ingerlatseqatigiiffimmik, aktie- imaluunniit anpartselskabiusumik, tigussippat, aningaasaateqarfiup aktie-imaluunniit anpartselskabip pigisai nalillit akiitsuilu tamakkiisumik tigussavai, taamaalilluni selskabi atorunnaarsitsinertaqangitsumik piujunnaassaaq. §§ 14-20-mi maleruagassat atuutissapput pisariaqartumik naleqqussarlugit.

Imm. 2. Selskabimi atorunnaartumi siulersuisut uani pisumi aalajangiisuussapput. Siulersuisut siusinnerpaamik aalajangiisinnaapput Erhvervs- og Selskabsstyrelsi kattunnissamut pilersaarumik il.il., tak. § 117, tamanut saqqummiussineraniit sap. ak. sisamat qaangiunneranni.

Imm. 3. Selskabimi atorunnaartumi aalajangerneq kattunnerup inatsisitigut sunniutaasa, tak. § 19, atuutilernissaannut piumasaqaataavoq.

Kapitali 6

Atortuulersitsissutitut aalajangersakkat

§ 22. Nalunaarut atortuulerpoq ulloq 1. august 2008.

Erhvervs- og Selskabsstyrelsen, ulloq 10. juli 2008

OLE BLÖNDAL

/Grethe Krogh Jensen